



Inatsisartunut ilaasortaq Ruth Heilmann

/Maani

26. oktober 2010  
Sagsnr. 2010-040443  
Dok. Nr. 494672

**Atammimmi aalisartut atukkamikkut inissisimanerat pillugu apeqqut Nr. 221-mut akissuteqaat.**

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl  
www.nanoq.gl

Inatsisartut suleriaasaanni § 36, imm. 1 naapertorlugu Atammimmi aalisartut inissisimanerat pillugu apeqquteqaateqarputit.

**Apeqquteqaat:**

1. Ilaqutariit aalisartukkormiut piniartukkormiullu ajunaarnersuarmik eqqugaasimasut piaarnerpaamik taarsiiffigineqarnissaminnik kissaataat Naalakkersuisut piaartumik piviusunngortilersaarpat?
2. Atammimmit allakkatigut saaffiginnissutit qanoq akineqalersaarpat?
  - a. Aalisartut aalisarnissaminnik akiliuteqarsimanertik sumilluunniit iluanaarutigisimasutut misiginnginnamikku akiliummik utertinneqarnissaat kissaatigaat, tamanna Naalakkersuisut qanoq piviusunngortilersaarpat?
  - b. 25. juni-25. augustimut aalisarsimannginnertik pillugu annaasaminnik aningaasanik imaluunniit aalisanngitsuukkaminnik 294 tonsinik annaasaqarnertik pillugu taarsiiffigineqarnissaminnik kissaataat. Tamanna Naalakkersuisut qanoq iliuuseqarfiginiarpat?
3. Nunatsinni aalisartut piniartullu ajunaarnersuarmik nalaataqarneranni Naalakkersuisut qanoq aaqqiiniallutik pilersaaruteqarpat?
  - a. Piffissami qaninnermi qanoq?
  - b. Piffissami ungasinnerusumi qanoq?

**Akissuteqaat:**

Ad apeqqut 1-mut)

Aalisartunut ukioq naatinnagu Naalakkersuisut taarsiissuteqarnissaminnut periarfissaqanngillat. Aammattaaq takuuk apeqqut 2 b-mut akissuteqaat.

Ad apeqqut 2 a-mut)

Aalisarnissamut akuersissummik akiliuteqartitsinikkut aalisartut tunitsivinnut tunisisinnaamissaminnut qulakkeerivigineqanngillat. Aalisarnissamut akuersissum-

mik akiliuteqartitsisalernermik aqqissuussinermi siunertaavoq, Kalaallit Nunaanni Aalisarnermut Akuersissutinik Nakkutilliisoqarfiup aningaasartuutaanut aalisarnermik inuussutissarsiortut aningaasaleeqataasarnissaat.

Ad apeqqut 2 b-mut)

Atammimmi tunitsiviup piffissami junip 25-aniit augustip 25-ata tungaanut mattoqqanera pissutigalugu aalisartut annaasaqaatigalugu oqaatigisaannut Naalakkersuisut taarsiiviginninnissamut akisussaannngillat aammalu taamatut taarsiissuteqarnissamut periarfissaqaratik.

Ad apeqqut 3 a) amma 3 b)

Aalisartut piniartullu akerliussutsimik takutitsinerisa kingorna Naalakkersuisut KNAPK ataatsimeeqatigaat kattuffillu isumaqatigiissuteqarfigalugu piffissamut qaninnerusumut ungasinnerusumullu iliuusissatut kissaatit pillugit kattuffik pingaarnersiussasoq. Sapaatip akunnera kingulleq pingaarnersiuiineq taanna KNAPK-miit tiguarput. Kissaatigineqartunit taakkunannga suut pingaarnerutinneqarnersut pillugu Naalakkersuisut maannakkut nalilersuipput.

Inussiarnersumik inuulluaqqusillunga

Ane Hansen